



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK

**Služba za privredu, integrisani lokalni razvoj  
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj:03-20-710/26

Vogošća, 14.04.2026. godine

Na osnovu člana 15. Stav 1. tačka 2. Zakona o principima lokalne samouprave u Federaciji Bosne i Hercegovine („Službene novine Federacije BiH“ br.49/06 i 51/09), član 71. i 125. Statuta Općine Vogošća „Službene novine Kantona Sarajevo“, broj 27/14 - Prečišćeni tekst, 14/15 i 9/20), člana 16. Odluke o izvršavanju Budžeta Općine Vogošće za 2026. godinu („Službene novine Kantona Sarajevo“, broj 2/26) i Odluka onačinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine broj: 02-02-575/25 od 15.04.2025. godine, Općinski načelnik objavljuje:

## **JAVNI POZIV za sufinansiranje troškova kupovine repromaterijala za proljetnu sjetvu**

### **I PREDMET POZIVA**

Ovaj program planiran je u okviru Strategije razvoja Općine Vogošća i to:

- Strateški cilj 1.- unaprijediti konkurentnost privrede i povećati zaposlenost;
- Prioritet 1.4. – Unapređenje turističke infrastrukture i jačanje poljoprivrede;
- Program 1.4.1. - Razvoj poljoprivrede bazirane na znanju i novim tehnologijama.

S ciljem unapređenja poljoprivredne proizvodnje, podrške poljoprivrednicima i povećanja domaće proizvodnje hrane u Budžetu Općine Vogošća obezbjeđena su sredstva u iznosu od 70.000 KM za sufinansiranje troškova nabavke repromaterijala; sjemena, sadnog materijala, mineralnih i organskih gnojiva, jarih žitrica (pšenica, ječam zob i kukuruz) i drugih poljoprivrednih kultura.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

### **II USLOVI ZA UČEŠĆE NA JAVNOM POZIVU**

Svi podnosioci zahtjeva za sufinansiranje troškova kupovine repromaterijala za proljetnu sjetvu moraju ispunjavati slijedeće uslove:

- Da je podnosilac zahtjeva sa mjestom prebivališta na području Općine Vogošća,
- Da je podnosilac zahtjeva vlasnik odnosno posjednik najmanje 100 m<sup>2</sup> obradivog zemljišta na kojem se obavlja sjetva (samo teritorij općine Vogošća),
- da je podnosilac zahtjeva upisan u RPG ili RK (Registar poljoprivrednih gazdinstava ili Registar klijenata), kod nadležne općinske Službe i da je izvršeno ažuriranje podataka u tekućoj godini;

### **III POTREBNA DOKUMENTACIJE**

- Popunjen prijavni obrazac,
- Potvrda o upisu u Registar poljoprivrednih gazdinstava (RPG) ili Registar klijenata (RK) izdata u 2026. godini,
- Dokaz o vlasništvu/posjedništvu nad parcelom,

(Kopija ZK izvadka, kopija posjedovnog lista, Ugovor o korištenju zemljišta bez naknade),

- Račun za kupljeni repromaterijal za proljetnu sjetvu (obavezan originalni fiskalni račun izdat u 2026. godini),
- Izjava podnosioca zahtjeva o površini i lokaciji na kojoj je izvršena sjetva (ovjerena),
- Potvrda banke o otvorenom i aktivnom žiro – računu.

#### **IV IZNOS SREDSTVA**

Iznos novčane podrške vršit će se na osnovu zasijane obradive površine i to:

- 1m<sup>2</sup> zasijane obradive površine 1 KM.

Minimalan iznos novčane podrške koji se može doznačiti podnosiocu zahtjeva/krajnjem korisniku po ovom javnom pozivu iznosi 100,00 KM.

Maksimalan iznos novčane podrške koji se može doznačiti podnosiocu zahtjeva/krajnjem korisniku po ovom javnom pozivu iznosi do 500,00 KM.

U slučaju povećanog broja zahtjeva procenat sufinansiranja će biti utvrđen shodno visini raspoloživog Budžeta namjenjenog za ovaj projekat.

#### **V ROKOVI ZA PODNOŠENJE PRIJAVE NA JAVNI POZIV**

Rok za prijavu na Javni poziv je 15 dana od dana objavljivanja.

#### **VI POSTUPAK DODJELE SREDSTAVA**

Ocjenu prijava izvršit će Služba za privredu, integrisani lokalni razvoj i društvene djelatnosti i utvrditi listu kandidata koji ispunjavaju navedene uslove. Nakon saglasnosti općinskog načelnika na utvrđenu listu korisnika Služba će izraditi Rješenje o dodjeli sredstva za ove namjene za svakog korisnika pojedinačno. Na osnovu odobrene liste korisnika Služba za finansije će vršiti isplatu sredstva na žiro račun korisnika.

Korisnici koji ne zadovolje uslove Javnog poziva će biti pismeno obavješteni.

#### **VII MJESTO I NAČIN PODNOŠENJA ZAHTJEVA**

Popunjena prijava sa potrebnom dokumentacijom podnosi se na protokolu Općine Vogošća svakim radnim danom, ili putem pošte na adresu: Općina Vogošća, Ul. Jošanička br. 80, Vogošća, sa naznakom za Javni poziv za sufinansiranje troškova kupovine repromaterijala za proljetnu sjetvu.

Krajnji datum za prijavu po ovom Javnom pozivu je 30.04.2026. godine do 16h.

Sve dodatne informacije u vezi Javnog poziva mogu se dobiti na tel. 033-586-422.

#### **VIII OSTALE ODREDBE**

Općina Vogošća ne snosi nikave troškove u postupku prikupljanja i podnošenja prijava na Javni poziv.

Neblagovremene i nepotpune prijave se neće uzimati u razmatranje.

Javni poziv će biti objavljen na web stranici Općine Vogošća, i na oglasnoj ploči Općine Vogošća, u programu RTV Vogošća i na svim oglasnim pločama u MZ.

#### **NAPOMENA**

U slučaju dostavljanja duplikat fiskalnog računa za kupljeni repromaterijal za poljetnu sjetvu neophodno je uz isti dostaviti i fakturu.

Računi koji obuhvataju druge artikle koji nisu predmet ovog javnog poziva neće biti prihvaćeni.

**OPĆINSKI NAČELNIK**  
**Migdad Hasanović**